

莊

子

通

義

莊子卷第九

參元朱得之傍註并通義

附錢塘褚伯秀義海纂微

雜篇

雲谷王潼錄校刊

外物第二十六

外物不可必。故龍逢誅。比干戮。箕子狂。惡來死。桀紂亡。人主莫不欲其臣之忠。而忠未必信。故伍員流於江。萇弘死于蜀。藏其血三年。而化爲碧。人親莫不欲其子之孝。而孝未必愛。故孝已憂而曾參悲。木與木相摩則然。金

與火相守則流陰陽錯行則天地大絀於是

乎有雷有霆水中有火乃焚大槐有甚憂爾

陷而無所逃陳音不得成心若縣於天

地之間慰啓沈屯利害相摩生火甚多衆人

焚和月固不勝火於是乎有償音然而道盡

其血三年而化碧玉晉元帝托運狼不至而

殺其臣其血逆柱而上齊以明月之譏殺斛

律光其血在地去之不滅此亦史所明載不

可謂之無者孝已殷高宗之子其逐於後母

會參其爪大棧則走皆為忠孝人之所貴而

或害其身是外物之不可必也世事無中生

有禽物情相感而生此天機也人持兩端之

見而不能脫然自省者必懷憂不能  
自安心中如焚月比良心火比私欲

**論**

外重者內輕物得則已失凡世間利名

妻來成致得失非性命所有者皆外物也而

俗認以為真殉而忘反以至殺身而弗悟何

邪蓋漢武所尚非利則名而毀譽榮辱亦隨

之有識者知利之為汙不屑就焉則慕名以

自高名之美者無過忠孝以其能致君親於

無過有足以捕國家興教化故也上古風淳

若如標枝民如野鹿則安有犯顏逆鱗之奉

亦豈有刀錐鼎鑊之威哉為臣不幸而遇暴

若悖理枉殺即陰陽錯行雷霆妄發之時也

而後忠見焉為子不幸而遇虐父窘逐流離

即水中有火焚棍之時也而後孝聞焉愧色

正黃喻性中和木之為物絞之得水鑽之得

火陰陽之性具焉木中有火陽侵陰位至於

焚樑則過亢矣和能不傷乎譬人身由陰陽

而生抱沖和而立或得以寇之者物為之累

陸子

清溪齋

通鑑卷九

十一

四

而氣動於中喜怒并毗陰陽交勝冲和日損  
客邪乘入無根之太其能久乎雨暘謂外而  
事君奉親內而修身養命皆不外乎憂患心  
惶迫而志不成若繫係於天地之間無求解  
脫處慰譬字難釋或借從蠶青義頌明譬於  
思慮沈屯於嗜欲言著物之重所以利害交  
戰生火內攻冲和焚燼而患生焉夫陰陽之  
氣運於太虛而無形其舒慘之機則隨人喜  
怒感召而發吁人亦至靈矣可不自愛重乎  
又譬以月之明雖大而虧多盈少出於天理  
也火之明雖小而然之益烈由於人爲也天  
道惡盈其虧也易復人爲好盛其盛也易衰  
月不勝火人欲盛而天理滅之譬也月盈而  
虧則有常度虧而復盈明何損焉火之熾也  
燎原燭天及其薪盡灰土而已世有臣子盡  
道而遭困阨者乃所以成忠孝之名而虐之  
者自速於盡則是身不勝暴虐之勢而理實  
勝之猶月之形不勝火而明實勝之矣吁患

孝之名成。臣子之不幸也。道德經云六親不和。有孝子。國家昏亂。有忠臣。然則何以處之。曰。儼然而道盡。儼然而道盡。已忘而物化之。謂也。已忘物化。又安有生。火焚和之患哉。莊周家貧。故往貸粟於監河侯。監河侯曰。諾。我將得邑金。將貸子三百金。可乎。莊周忿然作色曰。周昨來有中道而呼者。周顧視車轍。中有鮒魚焉。周問之曰。鮒魚來。子何爲者邪。對曰。我東海之波臣也。君豈有斗升之水。而活我哉。周曰。諾。我且南遊吳越之王。土激西江之水而迎子。可乎。鮒魚忿然作色曰。吾失

我常與我無所處吾得斗升之水然活耳君  
乃言此曾不如早索我於枯魚之肆

**通義**

此後世傳聞其事而擬爲之若有不足

於莊子之往貸者且不能知監河侯之平昔  
非定其交而後求之道也其曰忿然作色尤

**義海**

監河說苑作魏文侯呼舊音去聲義當

是呼字去聲歎也鮒鮒魚波臣舊註波蕩之

臣火越之王頗難釋諸解畧之獨碧虛云吳

越水聚之地王偕江海爲百谷王張君房較

本遊下加說字去聲其論亦未通詳義考文

祖得其意王字元應是上誤加上畫耳說頗

簡明大意謂人處道中如魚在水不可須臾

離夫道於身欲假之於外類望監河侯之邑

金何足以濟

目前之急

任公子爲大鉤巨緇五十犗界以爲餌。躡乎

會稽投竿東海。且且而釣。期年不得魚。已而

大魚食之。牽巨鉤。陷沒而下。驚揚而奮鬣。白

波若山。海水震蕩。聲侔鬼神。憚赫千里。任公

子得若魚。離而腊之。自溍河以東。齊魯已北。

莫不厭若魚者。已而後世。幹音才。諷說之徒。

皆驚而相告也。夫揭竿累音趣。灌瀆守鯢鮓。其

於得大魚。難矣。飾小說以干縣令。其於大達

亦遠矣。是以未嘗聞任氏之風俗。其不可與

卷二 浩然齋 論



經於世亦遠矣

此承上節雖求而無必得之意自不念  
得得而無專利之心故不驕莊子與監河侯

二子之病  
胥見之矣

大鈞巨綱喻所操者大則其得必豐累  
當作繅綸也風下俗字為冗出於誤筆此言  
人之寸道久而見功不可貴朝夕之效及乎  
兩養成就見之設施澤及萬物豈止潮河東  
蒼梧北而已哉鮒魚下忽然作色四字  
誤重出縣平聲高名令聞之說為優

儒以詩禮發家大儒臚傳曰東方作矣事之

何若小儒曰未解裾襦口中有珠詩固有之

曰青青之麥生於陵陂生不布施死何含珠

為按其鬢壓其顛音儒以金椎控其頤徐別

其頰無傷口中珠

全不相關况藉誦言以取富貴非所謂儒也亦非周時之事也以為發冢謂盜死者之珠正竊聖人縮餘以自多者比也下文陵寢日中珠與冢字相應大儒首倡者也自上語下曰臆自下語上曰句其誦詩之意以含珠老為非盜珠者為是謂接其鬢以下大儒語儒之言也無傷珠者戒之無叛古語也與法並行使人有所與立也聖人世不常有故其為慮也深恐有以盡革天下之弊出於禮教於法台於禮而法可除聖人之心本無而已奈何季世薄俗有資其跡以為姦者至於發冢而不恤則非獨害及生民死者亦不

生一 浩然齋 五 何

安於泉下其流毒可勝道哉而猶舉詩書以  
誤世可謂為所不當為用所不當用也南華  
側世真切而無所效其力遂旁譬曲喻以致  
意焉至若魯覽多儒及覈其實而儒者一人  
則此章非無為而言蓋欲誅其心而正其教  
使之為詩禮所當為盡儒行所當盡又將以  
示時俗厚葬之戒起後世淳朴之風  
一綱舉而衆目張於治道豈小構哉

老萊子之弟子出薪遇仲尼反以告曰有人

於彼修上而趨下長高末僂而後耳視若營四海

不知其誰氏之子老萊子曰是丘也召而來

仲尼至曰丘去汝躬矜與汝容知斯為君子

矣仲尼揖而退蹙然改容而問曰業可得進道

乎。老萊子曰：夫不忍一世之傷而驚萬世之

患，抑固窳邪？亡其畧弗及邪？惠以歡為驚，終

身之醜，中民之行進焉耳。相引以名，相結以

隱，與其譽堯而非桀，不如兩忘而閉其所譽。

反無非傷也。動無非邪也。聖人躊躇以興事，

以每成功，柰何哉！其載焉終矜爾。

**修**上趨下上長下短也。末後後耳身恭

而不露耳也。躬矜言矜馳之態。指上末後容

知動容不見朴實。指上視營四海猶今言眉

毛會說話也。抑固窳邪言果無術而為此自

窮之道邪亦忘其簡畧之性。是以弗及邪。凡

以惠及人必以得人之歡為自足。是中民可

浩氣齋

卷之七

行

愧之行知進而不知退不遇相推引以虛譽  
相結納以隱秘之計而已終不若毀譽之而  
忘其機惟在忘譽譽忘則毀忘矣反此而管  
心於毀譽者動必從邪是以動無不傷也聖  
人躊躇應感不得已而後起事有成功  
奈何終身擔負矜馳之勞而不悔也  
老萊弟子形容夫子狀貌見於三語末  
句似得聖人之心非真絕塵眼未易道此與  
關吏仇璋狀文中子之語相類而其師已知  
之聖賢心通神會若此躬矜謂全身是誇耀  
容驕色知多謀皆足以召患故令去之養一  
作鴛為優言不恐一時之患為仁義以救之  
後世殉迹成弊馳騫而不止也抑因窮窶輕  
於用世邪或無謀而慮弗及此邪何歎於為  
惠之心形見於外而不可掩邪蓋譏夫子違  
違遊聘徒自困其形神是馳騫終身之醜庸  
民之行進於此耳進則相引以名退則相結  
以隱譽堯非桀由此而生若爾忘非譽堯桀

美哉哉。反謂反前所言不能兩忘者。則愛惡存。懷與物皆傷也。動內無定見。喜譽惡毀者。則隨物起。舍於行爲邪也。是聖人待時而動。徐以興事。每有成功。柰何自負其能。終不免於矜也。夫子之與老萊。猶出爲堯而隱爲由南華。寓言以警世之不知時而強爲以要譽者耳。非實貶之也。

宋元君夜半而夢人。被髮闚阿門。曰。予自宰路之淵。予爲清江使河泊之所。漁者余且得予。元君覺。使人占之。曰。此神龜也。君曰。漁者有余且乎。左右曰。有。君曰。令余且會朝。明日余且朝。君曰。漁何得。對曰。且之網得白龜焉。

箕圓五尺。君曰：獻若之龜。龜至。君再欲殺之。

再欲活之。心疑。卜之。曰：殺龜以上。吉。乃割龜。

七十二鑽而無遺筭。仲尼曰：神龜能見夢於

元君而不能避余且之網。知能七十二鑽而

無遺筭不能避剗腸之患。如是則知有所困。

神有所不及也。雖有至知。萬人謀之。魚不畏

網而畏鷓鴣。去小知而大知。明去善而自善。

矣。嬰兒生無石師而能言。與能言者處也。

**通**此章知有所困。神有所不及。是正論有用必自苦去。所長則無不善矣。末言嬰兒能

言甚言習之不可不慎言外見忠臣義士不  
恤其身而惟以啓迪其君上爲任不欲輕廢  
於小人而甘死於知己所謂盡其才而不吝  
也其能其不能皆天也患非有心之可避能  
非有心之可逞也去小知去一事之知則心  
體虛明而全體天光不爲物蔽是以大知明  
無不照也

**卷之二** 率路淵名神處所居爲清江神使河伯  
之所則以知而見役兼由清入濁所以不免  
乎患猶能見夢於元君則其神靈未泯也遠  
陰陽而介色白應湯其圓五尺配五行也上  
殺龜而吉明兆不爲已私雖不利於已而能  
著靈於人也七十二鑽而無遺筮言其材美  
上符天候然而入網莫逃割腸不免者其神  
其知有時而窮皆不足恃若不爲清江使而  
曳尾於塗中以全無知之知不神之神斯爲  
至知至神矣又何網罟之憂哉此章與史記



龜業傳相類。但彼作漁者，豫且卽此人，是故有至知者，慮衆人之謀，得以勝之，而不敢全恃衆知之謀，無異鷓鴣之於魚，非若網之無心，而可避也。欲避患者，當去自己小暗之知，而取衆謀以爲知，則大明而周物，是以去己善而天下之善歸之，知嬰兒與能言者處，久而俱化，不知所以然而然也。

惠子謂莊子曰：子言無用。莊子曰：知無用而始可與言用矣。夫地非不廣且大也，人之所用，容足耳。然則側足而墊之，致黃泉，人尚有用乎？惠子曰：無用。莊子曰：然則無用之爲用也，亦明矣。莊子曰：人有能遊，且得不遊乎？人

然而不審故直惠子

自適

而不能遊。且得遊乎。夫流遁之志。決絕之行。

噫。其非至知厚德之任與。覆墜而不反。火馳

而不顧。雖相與為君臣時也。易世而無以相

賤。故曰至人不留行焉。夫尊古而卑今。學者

之流也。且以豨韋氏之流。觀今之世。夫孰能

不波。唯至人乃能遊於世而不僻。順人而不

失已。彼教不學。承意不彼。目徹為明。耳徹為

聰。鼻徹為鶻。口徹為甘。心徹為知。知徹為德。

凡道不欲壅。壅則哽。哽而不止則跖。跖則衆

浩然齋

害生物之有知者侍息其不殷非天之罪天

之穿之其日夜無降既伏半人則顧塞其竇身抱有重闔

心有天遊中室無空虛則婦姑勃強心無天遊

則六鑿相攘根大林丘山之善於人也亦神者精

不勝德大溢若乎名名溢若乎暴謀稽乎詒音知出賢

乎爭決柴生乎守官事果乎決衆宜決春雨日時草

木怒生料鈿辱於是乎始修草木之到植者過

半而不知其然察靜然可以補病林切皆音媵音可音

以休老寧可以止遽意雖然若是勞者之務也

非佚者之所未嘗過而問焉。聖人之所以賦

戶楷

天下。神人未嘗過而問焉。賢人所以賦

世。聖人未嘗過而問焉。君子所以賦國。賢人

未嘗過而問焉。小人所以合時。君子未嘗過

而問焉。演門有親死者，亦善毀。爵為官師，其

黨人毀而死者半。堯與許由天下，許由逃之。

湯與務光，務光怒之，紀他聞之，帥弟子而跋

於窾水，諸侯弔之。三年，申徒狄因以踏河筌

者所以在魚，得魚而忘筌。蹄者所以在兔，得

莊子

浩然齋

通義卷九

論

兔而忘蹄。言者所以在意。得意而忘言。吾安得夫忘言之入。而與之言哉。

惠子問意在言。莊子答意在無用。故卽地之見用於人者。尺寸其爲廣大者。無窮其廣大者。尙可謂人人尺寸。而用之。而其深厚者。之爲用。斷然人。不見之矣。然非深厚。則不能廣大。非深厚。則不能載萬物。是無用之爲用。不可一息一方之缺焉者。言外見吾言之意。包含博厚。在世事中。若不屑屑於用。而生天生地。神鬼神帝者。非此意。無以立極。固非徒以言也。惠子不能窮詰。以盡其蘊。故莊子復申言。反覆而歎。得意忘言者。之不易得也。游者。超然無方之名。能游者。道遠物外。無物不資。所謂至人游於世。而不僻心。有天游也。不能游者。甘焚溺。以隨流俗。塞寶隘室。百骸相使有用。無用可知矣。流通之志。至相賤言。

小人末用得志於一時世變而無據矣不窮  
行行無所住也彼教於我而承其意順人也  
不輕信從亦不棄忽不失已也惟五官通明  
是非不昧不同尊古卑今之流壅哽於道行  
則重足而生害也今有知者莫不恃此氣息  
之往來設有呼吸不繼必至於死非天之罪  
乃我之不善養耳天之息貫串於有知之形  
體口夜無隙而人類以一藝自用塞其不窮  
之竅夫身內之重閱心中之天游猶室窄而  
婦姑不相容正眼耳鼻舌身意交相擾攘豈  
天之罪哉觀今之愛山林者亦其精神不勝  
後役之勞是以見虛曠而喜山林有用無用  
乎勞神者有用無用乎大抵德以好名而失  
名以自暴而損謚急語也猶躁人之辭多謀  
必多言爭起於智柴者呆蠢不動之象此象  
生於有所持守不變者職守之事不過取決  
於一事之宜而已此皆世謂之有用果有用  
乎至若春雨生物銹釋芟鋤各率其職不見

成毀得喪之異謂之有用乎無用乎靜然三  
句然字是默字之畏收心變質之方然亦不  
能無意是以有勞而非佚者之所問神不問  
聖聖不問賢賢不問學學不問衆道不同不  
相爲謀用不同也善毀善居喪孝也毀而至  
於死慕其得爵也逃怒清也竣於水蹄於河  
慕得帛之名也效跡之弊如此謂之有用可  
乎故求魚兔者用筌蹄而忘筌蹄聽言者不  
得其發言之意而謂其  
言爲無用也不亦謬哉

游者逍遙自適於無用之地以全己之  
大用唯達道之士能之能之者不得不遊不  
能游者不可強也蓋胡時俗逐物而流遺者  
多否則又爲決絕之行刻厲矯亢而不自適  
則視人世如鼎鑊陷穿至於負石自沉抱木  
燒死者有之何望乎逍遙游哉故皆非至知  
厚德者之所因任類多顛覆奔馳於名利以  
求慰其心雖一時有君臣之分若易此一

則無以相貴賤唯道爲天下貴掉道則無以  
取重於世也故至人聽物流行而不越與之  
同遊乎天地之一氣耳古往今來乃其常理  
我能轉物則可視今猶古豈貴耳賤目妄有  
會平分別哉且以上占觀今之世孰不爲波  
蕩之人心忘古今遊世而不爲僻異之行順  
人不失已以衆心爲心而我心得矣是故反  
今成古何尊何卑仲尼答冉求以古猶今也  
卽此意是以人來學者因彼性而教之不學  
其所不能承彼意而順之不以彼爲異也如  
是則古今物我同遊一天雖相後千萬年相  
去千萬里而處于萬人無異合堂同席於漆  
園夫子之門而樂黃帝老聃之道也此言至  
人應世非唯能自遊於道又能與物同游所  
以貫百王於一道參萬世而成純者也耳目  
鼻口心能通而無係者皆由於知微爲德所  
致苟無德以貫之則五者俱壅關竅哽塞物  
欲騰踐爲害多矣夫生物之有息所以通一



身之氣交天地之和昇降而滋榮之故經久  
 不衰當老益壯今養生家正主此論但不能  
 培養其源源又有所作為以壅閼之則非與  
 天地元氣流通之道元氣貫穿萬物無時休  
 歇其有衰殺者人自以六物反塞其實耳動  
 物恃乎息植物恃乎氣皆其所倚以為命者  
 也胞謂腔子重閼謂此身從空而有身內又  
 有重閼以含畜精液天遊謂心中能虛則無  
 往不適也室不虛則尊卑勃戾心不虛則六  
 鑿攘奪吾室與心有主之者外物安得而撓  
 動哉大林丘山之善於人以平日所見隘區  
 忽覩虛曠之境心必喜之此乃神不勝物反  
 為所勝山林阜壤使我欣欣樂未畢也哀又  
 繼之大化密移理之必至唯至人不做物而  
 樂故不因化而哀在我真能轉物故也然則  
 物之善人也豈真善人之樂物也豈真樂哉  
 蓋外有慕則內厭重於彼則輕此矣夫名公  
 器不可多取故名之出為德之失有名而累

知出而爭與此衆害生之驗及有能守者  
病在柴柴音恣塞而無變執一己之私者  
事則務在衆宜衆宜謂前六者皆微而無私  
則其視聽臭嘗思慮與天下共否則嗜欲  
起如春兩日時草木怨生而不可遏農器於  
是乎始修言治之不早草木雖拔得雨而生  
時使之然人莫知也人之命在息而使之  
而不戢則所以扶衛而補續之者豈無其  
哉要在知其時而已此又南華密示養生之  
秘者學者宜深思之顛同臚跼同蹤補病休  
老止遽皆勞損於前而後求復非佚者之事  
故過而弗問神人之於聖人聖人之於賢賢  
之於君子亦若是儻求合於時則去君子遠  
矣皆以大觀小其德量有以包含之而不復  
問卒使自化則等而上之可跂及也故凡物  
之在外者聖人以不必必之然後涉世而無  
患所以三教聖人設化雖不同而其言未嘗

莊子  
清養齋

莊子集注

卷三

論

相善不過開人心資治道同歸於善而止耳

駭同駭德充符惡駭天下崔本作駭演門善

駭黨人慕之遂忘死許由逃堯申徒嘉之送

踏河是皆詭迹以為真併已之真失之而無

異指筌蹄而求魚兔何惑之甚邪故南華

思忘言之人而與之言言忘而意可得矣

褚氏總論是篇首論內外之輕重以明物

我之親疎在外者係乎物故不可必在內

者出乎我求則得之而世多務外求求而

不得怨尤至矣故建言以破其惑夫忠孝

立身之善行猶不能必看親之知以在內

求其外故也況以外求外者乎由是知性

命之內無非道悟之則全性命故無非物

必之者失唯憤然無為固矣道合斯可矣

乎兩陷也莊子貨粟而申敬魚之贈則惠

物在及時任公垂釣而鄭小說之非則非

道當存大儒者徵詩習禮乃或發冢取珠

其物學未必不正及為物欲所遷則月禁

傷化有所不恤反不若下愚不學者之  
有忌憚而安乎定分也是皆原乎上之人  
以聖知治民之過久則姦民之肆者併聖  
知而竊之矣復寓言於老萊仲尼以非譽  
兩忘世患自息卽我無爲而民自化之意  
白龜能見夢而不能逃網則神不自神而  
不知有不神之神蓋喻特知以脫患不若  
忘知之無患也次以知無用而始可以言  
用其義互相發明至論人有能遊謂遊心  
於淡遊在內也前皆寓言此稱莊子曰正  
當篇本旨使學者超外物之累進虛通之  
域神融意適無所不之則道幾矣世習愈  
下往往遊所不當遊至於火馳覆墜而不  
顧雖聖人復出末如之何間有樂於遊者  
不過以江海爲閒山林爲善而放蕩終身  
焉此遊世而辭者不免務外而已繼又誨  
以身貴六徹則道不欲壅有知恃息則人  
當貴虛室虛白生無往而非天遊故勞者

之務佚者不問猶君子賢聖之有差等也  
至於演門因數而致爵申徒逃湯而陸河  
皆由上貴卓絕之行是以下立潔修之名  
本欲殲世與教而不知傷生害俗也故舉  
以為後世鑑夫以行觀言亦外物也然而  
非指無以見月故立言君子不憚於諄諄  
在學者善求其要而已矣

### 寓言第二十七

寓言十九

中居

重言十七

中居

卮言日出

以和

和以天倪

以和

寓

中居

寓

言十九藉外論之親父不為其子媒親父譽  
之不若非其父者不謂也非吾罪也人之罪也不稱與  
已同則應不與已同則反同於已為是之異

於已爲非之。重言十七。所以已言也。是爲者

艾年先矣。而無經緯本末。以期年耆者。是非

先也。人而無以先人。無人道也。人而無人道。

是之謂陳人。卮言日出。和以天倪。因以曼衍。

所以窮年。不言則齊。齊與言不齊。言與齊不

齊也。故曰無言言。無言。終身言。未嘗言。終身

不言。有自也。而可有自也。而不可。有自也。而

然。有自也。而不然。惡乎然。然於然。惡乎不然。

不然於不然。惡乎可。可於可。惡乎不可。不可

未嘗不言句解

辯

於不可。物固有所然。物固有所可。無物不然。無物不可。非卮言日出和以天倪。孰得其久。萬物皆種也。以不同形相禪。始卒若環。莫得其倫。是謂天均。天均者。天倪也。

**重** 寓重卮三言大意起信歸於忘言而止。自訓已明。茲復淺近爲之說。寓言者如逐臣思君。托於棄婦。或托於異類。如卨之谷。風周之鷓鴣。木籀少知大公。調之類是也。重言者引先哲緒言爲重。以申己意。猶孔子法語之言。本籍義黃。孔顏之事是也。卮言者投所好以破其固蔽。然後盡所規。以要於中正。如相狗馬。說劍之類是也。借重先輩。本以德信於人。設使前雖先而性昏昧。徒以年爲長者。不足爲先輩也。無人道者不能成。已成物以盡

父師之德者不言則齊謂不形諸言則事物  
各安其所理無不齊今三言出於不得已然  
已有言與理之本齊者不能爲一故道貴無  
言苟其所言皆指無言之體則言不言無所  
異矣蓋天下之物其異同各有所本不可以  
我而是非之也是以卮言順物不起乖戾以  
傷其天機之微不然何可以久於道而成其  
成物之志哉末又原萬物並育無始無終亦  
莫知其故乃天運之自然均平者正天機微  
渺而不容測者難欲言之惡得而言之故孔  
子曰予欲無言必  
卽天運以明之也

言者無幾蓋謂世俗之人中無所主輕重隨  
人故從權立言乘機化導俾從信而入陶成  
善心其憂世愛民亦切矣卮言解者不一夫  
卮之貯木輪言之載道道固非言所能盡水  
亦非卮所能量遠謂道不屬言水不屬卮不



可也。揆其言日出而不窮，人亦聽之不厭。非若寓言重言之有所去取也。蓋能和以自然之分，則可以合天下之心，而我無心，何同異是非之辨哉？父不爲子，一語足以盡寓言之旨，我所以藉外論之者，爲彼難信，故也。其同異在言而應反見諸迹，不若無言之混成。而人莫我異，無言之混成，又不若無心之言能化物而無迹也。重言亦出於已言，經緯論其才言本末，明所學此又有警勵學者之意。危言無窮而能和以自然之分，優游曼衍以終天年，何世界之能及，又隨掃其迹云。比天下事物之理不言則齊，與道爲一，齊語言僞無與有，祖與妙異理惡得而齊，惟超有無而冥粗妙者，斯大齊也。故曰無言此又明夫未嘗言未嘗不言之妙，神而化之，不滯有言無言之迹，而天下風靡影從也。夫言之有可，有然出於固然，固可則無不然，無不可矣。此危言所以能包寓重而無遺，故言滿天下無口。

選也本經末篇自敘有云以危言爲曼衍以  
重言爲真以寓言爲廣則知是經所言浩瀚  
宏深千變萬化不越此三條而已然而絕迹  
易無行地難不言易言無瑕譴難南華立此  
三言所以免乎瑕譴也夫以言免瑕譴猶未  
若忘言而無瑕譴忘謂有而無之非不言之  
偏執也忘言極議夫子之欲無言近之世間  
萬物同出乎機而稟形有異相代無窮猶言  
之同出乎心而立論有異辯諍無極聖人因  
而不自唱應彼而言非我言也故若環無端  
莫究其極我則和以是非而休乎  
自然之分而已是亦遣言之意云

莊子謂惠子曰孔子行年六十而六十化始

時所是卒而非之未知今之所謂是之非五

十九非也惠子曰孔子勤志服知也莊子曰

不怠

良

孔子謝之矣。而其未之嘗言。孔子云。夫受才

乎。大本復靈以生。鳴而當律。言而當法。利義

陳乎前。而好惡是非。直服人之口而已矣。使

人乃以心服。而不敢壘對音立。定天下之定。已

乎已乎。吾且不得及彼乎。

**通義**

此承上章無言之指。以見其尊信孔子

者。今是而昨非。日新之覺也。勤志好學而不

息。服知周旋於覺性。而不離。蓋欲論語吾士

有五不知。而作等章。而為此品題也。講之。言

脫化其志。與知而無事於勤服也。未嘗言其

謝。孔子云者。猶曰。孔子之所以為孔子也。夫

受才以下。雖若泛論。正指孔子之所謝者。才

性之所具。大本萬物之所同出。猶曰。根本復

以生謂形生神發之後不爲物欲牽引  
其天賦之靈覺而居於世出聲爲鳴成文爲  
言聲協天地之和言爲人物之表應感不謬  
此亦可以服人之口豈能使人心服不敢對  
立以定天下不易之理乎言外見孔子無言  
而服人心舉世莫敢並天下不易之道於孔  
子而定也已乎已乎者不敢望也猶顏子歎  
夫子超軼絕塵而回倘若平後之意蓋逆也  
迎而立也

人生隨年而化賢愚所不免者內而知  
慮日增外而形貌日改得失利害之相攻是  
非成毀之變易凡幻塵泡影倏起倏滅於前  
者皆化也夫予行年六十而六十化則生道  
日新不滯陳迹其居化冥人同而受化與人  
異黃帝書宇宙在乎手萬化生乎身信哉夫  
六十歲爲天地枝幹之一周人生上壽之中  
半更事既久是非可定矣然猶未知今之所

是之非五十九非也請原其由患在於有我  
苟未至無我猶未必六十歲之後爲真是故  
瓌父子亦有五十九之歎勤志謂積學服知  
謂任能夫子謝去所學所能久矣默進此道  
而人不知耳人皆受才性於造物必能復其  
已靈生道乃可長久以至充之以學問美之  
以德業鳴當律言當法猶云聲爲律身爲度  
此皆由靈而出人道可謂大備矣及其義利  
陳乎前而以己之好惡爲是非直服人之口  
而已世之學者往往皆然今夫子乃使人以  
心服而不敢蓋從無隱范先生點句立定天  
下之定言其化之速也已乎不得及彼乎乃  
莊子歎服  
夫子之辭

曾子再仕而心再化曰吾及親仕三釜而心

樂後仕三千鍾不泊吾心悲弟子問於仲尼

曰若參者可謂無所縣其罪乎。曰既已縣矣。夫無所縣者可以無哀乎。彼視三釜三千鍾如鸛雀蚊虻相過乎前也。

**通論** 充養而樂無匱乏之憂無親之悲無承歡之樂是曰再化縣係累也。學以無累為善。有累大道之罪也可謂無所縣其罪者謂其豈可以無所係累許之乎。疑而問之也。孔子言既見祿見親不可謂無累矣。若無係累者知親死之還大化哀亦忘矣。况祿之厚薄又何足以動心。

**義海** 古人學優則仕志在澤民祿以代耕期於仰事俯育而已。豈若季世之仕者俸祿之外捃剝取贏極耳目口體之養未嘗過親庭而問焉者有之。曾子三釜及親而心樂三千

鍾不洎而心悲其悲樂係親之存亡非係祿  
之厚薄也然而心不免於再化門人所以有  
問夫子謂參於二者之間不能無所係累親  
之存亡思固不免祿之厚薄不必存懷可也  
若無所係者又豈有哀乎彼視鍾釜猶蚊虻  
耳曾子之孝行著乎萬世仕祿三千鍾則所  
未聞南華寓言亦責倫賢者之意所以勉人  
以孝行為重仕祿為輕親之待不待祿之及  
不及一付於分  
又何所係累哉

顏成子游謂東郭子綦曰自吾聞子之言一

卷廿

顏世

彼此無聚

年而野。二年而從。三年而通。四年而物。五年  
而來。六年而鬼入。七年而天成。八年而不知  
死。不知生。九年而大妙。生有為死也。勸公以

其死也有自也。而生陽也。無自也。而果然乎。  
惡乎其所適。惡乎其所不適。天有歷數。地有  
人據。吾惡乎求之。莫知其所終。若之何其無  
命也。莫知其所始。若之何其有命也。有以相  
應也。若之何其無鬼邪。無以相應也。若之何  
其有鬼邪。

野從通在應感上見尚未歸根物來鬼  
入在存主處見外感可無言矣天成不知死  
生則合內外大妙則忘內外矣此猶列子之  
九淵必入其室者言之而後能真切茲惟以  
意畧爲之通以俟深造者取焉野質朴從順  
世通彼此不疑物心神凝定卓然如有也來



精神生意依依日親所謂厥修乃來也鬼入者恍惚不可為象來者入於其中而不出所謂存神也天成天然成就無造作也鬼人尚有形神之分天成則渾然無內外之可見不知死生形神俱忘心如太虛也大妙者體天地萬物無內無外不容思不容言也生有為以下皆言大妙之意疑而不決之辭以見不能思議也生有為死也勸公以其死也十一字中間有脫誤畧為強解九年之序隨資稟以為久速非定律也生有為死言即物而觀生矣而有為死者風雨霜露糟粕煨燼無非至教天之示教甚公無物不死也死果有自平即生之本於陽動陽非有我之物也適聚而為有豈真有所自乎雖如此言果能盡其蘊乎今觀氣之在太虛何所適何所不適稽諸天則有律數考諸地則有人跡以為揆人之可知者此耳然其不測無端者不可盡也吾於何而求之終始不可知似無命也而又

有命也。聖益謙，變盈流謙，禍盈福謙，相應不矣。有鬼神矣，而或有未盡然者，又若無鬼神者，此道之所以爲大妙，而我之所得者，如此命言稟受之物，鬼言人爲之應命，常也。鬼變也。

**損** 人生隨俗，凋喪日失。一日學道者，損之又損，所以求復其初。野謂漸還質朴，從謂順人不失已。通則徹，理物則忘我。來謂人歸之鬼，入見理造乎恍惚，天成合乎自然。不知死生，則無去無來。九年大妙，則極數造微，神化莫測矣。能以無爲爲宗，乃可登假乎此。而世俗耽於有爲，日趨死地，勸之以公者，以其死由乎私也。碧虛照張君房，校本以其下有私字，絕句私謂貴愛其生，奉養過度，本求益已，損莫甚焉。故今去之，歸乎公道也。死者因生爲有，自生者從無而始，爲無自生而無私，則亦無死。天不能殺地，不能埋汝，果能若是乎。

由是知無以生為者賢於貴生又惡論其適  
 不適邪天有歷數可推不泰地有人據可考  
 治亂吾又何從他求哉夫自二儀分判幾千  
 萬年生育而不知其終非命何以立擇物而  
 不知其死命從何而立歷數人據有禍福之  
 相應豈無鬼神主之天道有時而難謀人事  
 有時而無準則又疑其無鬼神也此言造化  
 精密難窺所以謂造化但當盡人事以俟之  
 故向上之學使人反究自己天地之始終一  
 身靈物之隱顯盡性而至於命明鬼而極乎  
 神在乎力行心契則功躋

大妙亦何待乎九年哉

衆問兩問於景曰若向也俯而今也仰向也  
 括而今也被髮向也坐而今也起向也行而  
 今也止何也景曰搜搜也奚稍問也予有而

不知其所以。子。蜩甲也。蟬蛻也。似之而非也。火與日。吾屯也。陰與夜。吾代也。彼吾所以有待邪。而況乎以有待者乎。彼來。則我與之來。彼往。則我與之往。彼強陽。則我與之強陽。強陽者。又何以有問乎。

**通義** 此承上章生死出於陽氣而不測故復寓言以明之。搜搜若隱若顯之狀。指罔兩也。奚猶問者。本無問。何忽然畧問及此也。子雖有而不自知意者。其猶蜩甲蟬蛻乎。蜩蟬比形。甲蛻比影。而甲蛻有質。影則可見而不可執。故曰似之而非也。屯而為有代。而為無此影之待於明。暗而又待於形者。形之生待於造化。而其動靜亦待造化而然也。形影不相

離皆不能自有強陽者健而無息之稱萬物者雖曰待之而有無而亦適然不可知又何

哉

問

凡天下之物有形必有影人所共知而

影外微陰曰罔兩人多不察焉蓋因影之蒙昧而依附彷彿於其間其陰參差疊出故云

衆罔兩罔兩之於形猶七情之於心心不官而七情縱則反受其攻影不明而罔兩多則

反遭其問然而影之所待豈罔兩可知心之所冥豈七情可立哉此論物理相生有若因

待而或有或無非因非待以譬形生之始思慮之端亦猶是也義極精妙昔賢所未發夫

影生於形非日火則莫見有若相因也日火雖光非形則無影本於獨化也影之於形行

止不離一身之至親者其動靜有無必有主宰世人日用不知則罔兩之問無足怪也齊

物論云若有真宰而不得其朕正明此義所

其真宰者卽獨化之主。萬物萬形。賴之以生。有運動而因待有無之所從出也。信能反而求之。恍惚之間。而見曉聞和則獨化之理。則罔兩之疑釋矣。強陽謂人稟造化之氣。運動形體而掉運外物者。其聚則有其散。則零真寄焉耳。儻知獨化之主。則真我長存。彼之聚散無足問也。况景外微陰乎。

陽子居南之沛。老聃西遊於秦。邀於郊。至於梁而遇老子。老子中道仰天而歎曰。始以汝爲可教。今不可也。陽子居不答。至舍。進盥漱巾櫛。脫履戶外。膝行而前曰。向者弟子欲請夫子。夫子行不問。是以不敢。今聞矣。請問其

不可教

故老子曰。而唯唯盱盱。而誰與居。大白若辱。

盛德若不足。陽子蹙然變容曰。敬聞命矣。其

往也。舍者迎將。其家公執席。妻執巾櫛。舍者

避席。煬者避竈。其反也。舍者與之爭席矣。

**通義** 往也。自賢故人敬之。唯盱盱矜衿之貌。聞

教而歸人忘之。以其知不足。故樂與同居也。

**義疏** 唯盱盱自異人。誰肯與汝居邪。夫行潔白

者。人將汗之。故韜晦而若辱。德盛大者。人將

虧之。故涵養若不足。此全身之道也。今汝反

此。所以為不可教。子居聞告。蹙然不安。容為

之蹙。則其心改悔可知。故其往也。逆旅主人

迎將於其家。絕句。公執席。妻執巾櫛。言室家

通敬之。避席避竈。則衆皆駭異。及其反也。舍

者爭席。則矯飾去而真實存。使人忘外教之

此句於其類不止

著迹世古之人所以入試不

五十六

楷氏總論是篇以寓言對處南華老仙流  
水不濕脚之意自後立言就多恐後人殉  
迹成弊故隨步隨掃其迹其寓言重言皆  
不得已而藉外論之絕言如冰在庖有防  
而不失則其出也由中故日出而不厭同  
異是非各當其分言出於無言亦猶不言  
也其然其可則物情之去取耳惡知其爲  
固然固可邪是以必至於不言則齊也吁  
世衰道微人莫已信不得行志當世猶覲  
垂訓方來又慮無以必後人之知故寓於  
所重以取信焉使人由寓以究其真從微  
而躋乎妙其成功一也至論夫子之迹隨  
年化始是卒非當身之是不可常也況欲  
必信於後世乎曾子之再仕再化心不免  
乎有係而哀樂形焉無問乎爲親爲祿也  
若夫聞言而悟有若子遊一年而野至於



大妙則心日虛而道日集所謂寓重卮言  
 者皆在過化之域矣夫次論命鬼之有無形  
 影之因待皆明造化不可致詰之妙人能  
 充其造化所與而莫之天閔則吾身之天  
 地不可測之靈物亦猶是也結以唯肝矜  
 傲人誰與居聞命而返舍者爭席則耳聆  
 心悟在片言之頃孰謂載道而示後世無  
 得魚忘筌者哉予嘗閱東坡蘇文公莊子  
 祠堂記謂寓言篇未當連列御寇篇首而  
 不取讓王盜跖說劍漁父四篇且二篇合  
 一義或可通而四篇遭黜無乃太甚意其  
 所病者讓王條列繁而意重複盜跖此言孔  
 子若太過說劍類從橫之談漁父幾誅聖  
 之語此所以不為坡翁所取也然祠堂記  
 中謂莊子之言皆實予而文不予陽擠而  
 陰助之則亦燭其立言救弊之本心矣又  
 何以粗迹為嫌竊考讓王等四篇較之內  
 外部若有間然其指歸不失大本蓋言者

不無精粗之分抑揚之異或可人補續不  
得其淳所以置諸雜部之末自可意會無  
煩多議以  
於後疑

### 讓王第二十八

堯以天下讓許由。許由不受。又讓於子州支  
父。子州支父曰。以我爲天子。猶之可也。雖然  
我適有幽憂之病。方且治之。未暇治天下也。  
夫天下至重也。而不以害其生。又況他物乎。  
唯無以天下爲者。可以託天下也。舜讓天下  
於子州支伯。曰。予適有幽憂之病。方且治之。

未暇治天下也。故天下大器也。而不以易生。此有道者之所以異乎俗者也。舜以天下讓善卷。善卷曰。余立於宇宙之中。冬日衣皮毛。夏日衣葛絺。春耕種。形足以勞動。秋收歛。身足以休食。日出而作。日入而息。逍遙於天地之間。而心意自得。吾何以天下爲哉。悲夫。子之不知余也。遂不受。於是去而入深山。莫知其處。舜以天下讓其友石戶之農。石戶之農曰。捲捲音權乎。后之爲人。葆力之士也。以舜之

德爲未至也。於是夫負妻戴攜子以入於海。終身不反也。大王直父居邠。狄人攻之。事之以皮帛而不受。事之以犬馬而不受。事之以珠玉而不受。狄人之所求者。土地也。大王直父曰。與人之見居而殺其翁。與人之父居而殺其子。吾不忍也。子皆勉居矣。爲吾臣。與爲狄人臣。奚以異。且吾聞之。不以所用養。害所養。因杖策而去之。民相連而從之。遂成國於岐山之下。夫大王直父可謂能尊生矣。能尊

生者。雖貴富。不以養傷身。雖貧賤。不以利累形。今世之人。居高官尊爵者。皆重失之。見利輕亡其身。豈不惑哉。越人二世弑其君。王子搜患之。逃乎丹穴。而越國無君。求王子搜不得。從之丹穴。王子搜不肯出。越人薰之以艾。見其乘以王輿。王子搜援綏登車。仰天而呼曰。君乎。君乎。獨不可以舍我乎。王子搜非惡爲君也。惡爲君之患也。若王子搜者。可謂不以國傷生矣。此固越人之所欲得爲君也。韓魏相

應可註天下意

爭侵地。子華子見昭僖侯有憂色。子華子

曰。今使天下書銘於君之前。書之言曰。左手

攫之則右手廢。右手攫之則左手廢。然而攫

之者必有天下。君能攫之。昭僖侯曰。寡人不

攫也。子華子曰。甚善。自是觀之。兩臂重於天

下也。身亦重於兩臂。韓之輕於天下亦遠矣。

今之所爭者其輕於韓又遠。君固愁身傷生。

以憂戚不得也。僖侯曰。善哉。教寡人者衆矣。

未嘗得聞此言也。子華子可謂知輕重矣。魯

君聞顏闔得道之人也。使人以幣先焉。顏闔  
守陋間。苴布之衣。而自飯牛。魯君之使者至。  
顏闔自對之。使者曰。此顏闔之家。與顏闔對  
曰。此闔之家也。使者致幣。顏闔對曰。恐聽者  
謬。而遺使者罪。不若審之。使者還。反審之。復  
來求之。則不得已。故若顏闔者。真惡富貴也。  
故曰。道之真。以治身。其緒餘。以爲國家。其土  
苴以治天下。由此觀之。帝王之功。聖人之餘  
事也。非所以完身養生也。今世俗之君子。多

危身棄生以殉物。豈不悲哉。凡聖人之動作也。必察其所以之。與其所以爲。今且有人於此。以隨侯之珠。彈千仞之雀。世必笑之。是何也。則其所用者重。而所要者輕也。夫生者豈特隨侯之重哉。

**論** 此處舉先哲內重外輕之德業而各斷其情曰不以天下害生曰不以易生曰尊生曰不以傷生曰養生皆所以申愛生之旨也故未結以生豈隨珠之重哉其間魯君幣闕使者聽詔而還審世俗之見也以其居陋閭衣直布事飯牛疑不足以應君聘也

**贊** 天生聖人所以續道統明人倫育萬物贊天地也君位之有無不與焉然謳歌獄訟



之所歸有不可得而辭者亦一時寄託焉耳  
 雖居萬乘之尊四海之富而土階茅茨惡衣  
 菲食不知其勢之重位之極也蓋由得之非  
 心所以處之非榮故其辭讓易如脫屣夫物  
 莫大於天下能以天下讓無物足爭矣其胥  
 中所存詎可量邪至若與之天下而不受亦  
 豈中無主者所能為堯舜太王之德業固不  
 待讚揚而諸子之高節非莊子不能盡見徐  
 考其辭讓之語大意不過卑物尊生輕外重  
 內以樂聖人之道而惡為君之患也且與之  
 天下古人猶不肖受况肯效後世詐恃力  
 序理越分而妄求者哉幽憂之病按呂氏春  
 秋引此章高誘註云幽隱也詩云如有隱憂  
 是也謂方憂身之未治何暇治天下為此所  
 以異乎俗也太王之避狄而不忍害民王子  
 搜逃民而恐其害已恐害民則能愛已恐害  
 已則能愛民此越入所以欲得為君以其德  
 著也若夫上德不德民無能名則不可得而

害是超出一等矣南華雖不盡言其意有在  
於此詳後章經旨可見察闔之心真惡富貴  
者超出世俗所見萬萬矣惜乎不歷忱以辭  
乃失誠於使者似亦稍虧淳德使者既造其  
家又見其人而不能力致之乃從其辭而反  
審無乃過淳矣乎夫難進易退君子之常養  
愈久而植愈深於闔固不容多議然魯侯渴  
心求賢幾何而一遇幸遇之又交臂而失不  
得與君之共理大業以濟昇平實由乎使不  
使之過故申言以為戒且天下功業宜莫大  
於帝王此猶以為餘事則所謂聖人之真者  
豈常流所可窺測邪所以之所以為即語云  
所由所安也今世本恐聽者謬多者字真以  
治身治當是持凡聖人之動作聖字為冗隋  
矣之重當是珠此章全見呂氏春  
秋不韋去莊子非遠必得其真

子列子窮容貌有饑色客有言之於鄭子陽

者曰。列禦寇。蓋有好道之士也。居君之國而

窮。君無乃為不好士乎。鄭子陽即令官遺之

粟。子列子見使者。再拜而辭使者。使者去。子列子

入其妻壘之。而拊心曰。妾聞為有道者之妻

子。皆得佚樂。今有饑色。君過而遺先生食。先

生不受。豈不命邪。子列子笑謂之曰。君非自

知我也。以人之言而遺我粟。至其罪我也。又

且以人之言。此吾所以不受也。其卒民果作

難。而殺子陽。

今官遺栗傲也傲則狎虎之德也因人  
言而遺我栗因人言而罪我淺言之以答婁  
之疑也卽其以得佚爲歸宜不足以知列  
子之所存也未旬非莊文非列意計效也

**襄**

陽相鄭乘人物之權以重輕一國者

也有賢在野而不知可平閭人言其有道而  
遺之栗則亦遇賢而能敬也列子以爲因人  
之言而遺我惡知不因人言而罪我邪故辭  
而不受此君子觀微而知著見往而知來也  
其妻拊心有言乃世俗鄙見孰謂有道者之  
妻子而爲此哉夫至入之所爲雖其妻子猶  
不能盡識况他人乎此言被褐懷玉之士未  
易知知之又當致之有道斯可以盡人才而  
得其用漁父篇云下人不親不得其真信哉

楚昭王失國屠羊說走而從於昭王昭王反  
國將賞從者及屠羊說屠羊說曰大王失國

各得其分

說失屠羊。大王反國說亦反屠羊。臣之爵祿

已復矣。又何賞之言。王曰。強之。屠羊說曰。大

王失國。非臣之罪。故不敢伏其誅。大王反國。

反國有命

非臣之功。故不敢當其賞。王曰。見之。屠羊說

曰。楚國之法。必有重賞大功。而後得見。今臣

言於死難無日之禮

之知。不足以存國。而勇不足以死寇。吳軍入

郢。越說畏難而避寇。非故隨大王也。今大王

欲廢法毀約而見說。此非臣之所以聞天下

也。王謂司子綦曰。屠羊說居處卑賤。而陳義

甚高。子綦爲我延之以三旌之位。屠羊說曰：夫三旌之位，吾知其貴於屠羊之肆也。萬鍾之祿，吾知其富於屠羊之利也。然豈可以貪爵祿而使吾君有妄施之名乎？說不敢當。願復反吾屠羊之肆，遂不受也。

**君而失國**。不君，可想矣。其得反國，幸也。以反國而賞，從行尚嬖之基，終非知過進德之志。故說辭而不受，卽其三辭之言。則昭王君道可知。此真良士也。真君子也。安於其分，不易業，趨榮君，子又何學焉。

**昭王賞說**。示復國而推恩，說之辭。賞安義分而不濫，蓋王失國而不能伏其誅，則王

復國而不敢當其賞理亦宜然世之無功叨  
賞者多則以安命辭祿者爲創見王命見之  
高其行而欲識其人說以爲不可毀約而見  
遂終辭焉不使君有妄施之名其不欺如此  
士君子之所難能也而屠羊說優爲之使舉  
國臣人化說之德而克肖焉何慮世道之不  
交相  
典平

原憲居魯環堵之室茨以生草蓬戶不完桑  
以爲樞而甕牖二室榻以爲塞上漏下濕匡  
坐而弦子貢乘大馬中紺而表素軒車不容  
巷往見原憲原憲華冠緹履杖藜而應門子  
貢曰嘻先生何病原憲應之曰憲聞之無財

謂之貧。學而不能行，謂之病。今憲貧也，非病也。子貢逡巡而有愧色。原憲笑曰：夫希世而行，比周而友，學以爲人，教以爲己，仁義之慝，興馬之飾，憲不忍爲也。曾子居衛，緼袍無表，顏色腫噲，手足胼胝，三日不舉火，十年不製衣冠而纓絕，捉衿而肘見，納屨而踵決，曳縱而歌，商頌聲滿天地。若出金石。天子不得臣，諸侯不得友。故養志者忘形，養形者忘利。致道者忘心矣。孔子謂顏回曰：回來，家貧居卑。



胡不仕乎。顏回對曰：不願仕。回有郭外之田五十畝，足以給飢粥；郭內之田十畝，足以爲絲麻。鼓琴足以自娛。所學夫子之道者，足以自樂也。回不願仕。孔子愀然變容曰：善哉！回之意，丘聞之。知足者，不以利自累也。審自得者，失之而不懼。行修於內者，無位而不作。

**通義**

此章三引見孔子教學者自得於良貴

天條不外慕也。子貢之達適足以爲鄙耳。遠

遜愧色良心未

泯道義猶存也

原憲安貧弦誦學而能行雖居環堵蓬  
門如坐廟堂之上仁義禮樂不離其身故也  
子貢榮居相位是墜零之時帝者能枉駕而  
顧亦見其友誼未忘然問其何病則不知心  
之甚同學於聖人之門而所見若是故憲歷  
分貧病以告之自希世而行至與馬之飾乃  
學者之大病子貢身坐膏肓而不自知賴憲  
痛鍼力砭誠友中之師也會子腫喻臍臑杵  
絕肘見其貧可知然而養志忘形歌若金石  
浩然之氣充塞天地萬乘之君不得而友况  
微臣之乎顏子知足樂道無位不作蘊夫子  
之步得夫子之心而一無所作爲簞瓢自樂  
豈紆朱懷金可比哉夫三子者皆孔門高弟  
親受聖傳所造有精粗故所樂者深淺若子  
貢之游說列國榮官殖貨以駭動世俗則  
所樂與二子不侔矣故南華舉以爲戒

中山公子牟謂瞻子曰身江海之上心居

宋安分者天下皆然

魏闕之下。奈何。瞻子曰。重生。重生則利輕。中

山公子牟曰。雖知之。未能勝也。瞻子曰。不能

自勝。則從神無惡乎。不能自勝而強不從者。

此之謂重傷。重傷之人。無壽類矣。魏牟。萬乘

之公子也。其隱巖穴也。難為於布衣之士。雖

未至乎道。可謂有其意矣。

志未純

**素**

上章言素貧賤之自得。此言素富貴者

有超乎富貴之志。依稀乎類。闔而陋于真矣。

無惡乎言。不可怨不自勝也。重傷者。知不自

勝。已不順神。是有傷也。強於抑過。是加傷也。

隱處巖穴。雖寒素者。亦不易安。况泰養素厚

者。故曰。雖與能自勝。未同。亦知內外之辨矣。

象魏觀闕國君之所淮南子作魏闕  
訓同許慎註天子之兩觀也不能自勝則從  
謂從順性情不強抑闕或連神爲句謂從心  
神所適也夫學道者當損情去欲志尙清虛  
此乃云從其性情使之神和意暢是無惡乎  
不能自勝也又云強闕而不從此之謂重傷  
則是使人任情從樂以爲道有類列子載管  
夷吾所謂養生之道肆之而弗闕者也原其  
本意蓋謂公子牟生於富貴而欲隱巖穴實  
爲難能若過闕其清恐傷其性故寬以誘之  
進進不已成功一也南華取此以爲富貴學  
道者之勸庶不至墜崖而反若夷吾者以伯  
國強兵爲事宜其立論之偏又非牟比矣瞻  
子所言固不可爲學道者之法譬名醫療疾  
必審人而處方  
期於瘳而已

孔子窮於陳蔡之間七日不火食藜羹不慘。

卷之九 三

參顏色甚憊。而弦歌於室。顏回擇菜。子路子

貢相與言曰。夫子再逐於魯。削迹於衛。伐樹

於宋。窮於商周。圍於陳蔡。殺夫子者無罪。籍

夫子者無禁。弦歌鼓琴。未嘗絕音。君子之無

恥也。若此乎。顏回無以應。入告孔子。孔子推

琴喟然而歎曰。由與賜。細人也。召而來。吾語

之。子路子貢入。子路曰。如此者。可謂窮矣。孔

子曰。是何言也。君子通於道之謂通。窮於道

之謂窮。今丘抱仁義之道。以遭亂世之患。此

何窮之爲。故內省而不窮於道。臨難而不失其德。天寒既至。霜雪既降。吾是以知松柏之茂也。陳蔡之隘。於丘其幸乎。孔子削然反琴而弦歌。子路<sup>反</sup>魚乙然執干而舞。子貢曰。吾不知天之高也。地之下也。古之得道者窮亦樂。通亦樂。所樂非窮通也。道德<sup>或作得</sup>於此。則窮通爲寒暑風雨之序矣。故許由娛於潁陽。而共伯得乎丘首。

**通** 藜羹不糝。有菜無米也。於丘其幸乎。危亡之難。人生不可試。習以自考。今得遇此厄。

則常言死生無變於已者我得身親見之其  
卓然與大化爲徒者不成空言矣貧賤憂戚  
玉女於成非幸乎  
此亦承上章意

**子路**子路子貢所言者夫子之迹類于知夫  
子之心所以忘言也窮通在道則世間得失  
無所益損焉不窮於道則不失於德又何患  
難之能移歲寒而知松栢臨難乃見聖人此  
所以爲幸夫子復琴而弦歌一安於命而不  
損其樂子路執干而奮舞悟理而心悅不知  
手舞足蹈也子貢曰數句讚夫子之道大難  
窮道德於此德當是得許由共伯之自樂亦  
以得此道故也丘首山名碧虛照江南古藏  
本松栢之茂也下有桓公得之昔文公得之  
曹越王得之會稽三句故其註云云又共伯  
下有志字窮於商周商說之不通諸解遺而  
不論獨虞  
齊及之

舜以天下讓其友北人無擇北人無擇曰異哉。后之爲人也。居於畎畝之中。而遊堯之門。不若是而已。又欲以其辱行漫我。吾羞見之。因自投清泠之淵。湯將伐桀。因卜隨而謀。卜隨曰。非吾事也。湯曰。孰可。曰。吾不知也。湯又因瞽光而謀。瞽光曰。非吾事也。湯曰。孰可。曰。吾不知也。湯曰。伊尹何如。曰。強力忍垢。吾不知其他。湯遂與伊尹謀伐桀。剋之。以讓卜隨。卜隨辭曰。后之伐桀也。謀乎我。必以我爲賊。



也。勝桀而讓。我必以我爲貪也。吾生乎亂世。而無道之人。再來漫我以其辱行。吾不忍數聞也。乃自投桐洞一作水而死。湯又讓瞽光。曰。知者謀之。武者遂之。仁者居之。古之道也。吾子胡不立乎。瞽光辭曰。廢上非義也。殺民非仁也。人犯其難。我享其利。非廉也。吾聞之曰。非其義者。不受其祿。無道之世。不踐其土。况尊我乎。吾不忍久見也。乃負石而自沈於廬水。昔周之興。有士二人。處於孤竹。曰伯夷。叔

齊二人相謂曰。吾聞西方有人。似有道者。試  
往觀焉。至於岐陽。武王聞之。使叔且往見之。  
與之盟曰。加富二等。就官一列。血牲而埋之。  
二人相視而笑曰。嘻。異哉。此非吾所謂道。昔  
者神農之有天下也。時祀盡敬。而不析喜。其  
於人也。忠信盡治。而無求焉。樂與政爲政。樂  
與治爲治。不以人之壞。自成也。不以人之卑。  
自高也。不以遭時。自利也。今周見殷之亂。而  
遽爲政。上謀而下行貨。阻兵而保威。割牲而

禮記檀弓下卷之四

盟以為信。揚行以說衆。殺伐以要利。是推亂以易暴也。吾聞古之士。遭治世不避其任。遇亂世不為苟存。今天下闇。周德衰。其並乎周以塗吾身也。不如避之以潔吾行。二子北至於首陽之山。遂餓而死焉。若伯夷叔齊者。其於富貴也。苟可得已。則必不賴高節戾行。獨樂其志。不事於世。此三士之節也。

**通**此與前子州支父支伯善卷太王亶父王子搜之逃位子華子論隨珠彈雀章大意相同。彼言愛生此言避辱。愛生者所欲有甚於生。避辱者所惡有甚於死也。末於夷齊論

其苟可得已則必不然可見無擇卞隨瞽

光之自沉皆得已者所謂是皆已甚也

**義** 舜與無擇友也必知其可任故讓以天

下爲無擇者不受則已或逃而去之何至自

投清泠邪蓋指舜之居畎畝而遊堯門以爲

辱行則其立志可見何舜之不知心所期愈

下也湯將伐桀桀有爲方銳卞隨瞽光無爲者

也而湯因之以謀是猶適越而比其轄也後

得伊尹成伐桀之功歸而讓卞隨隨非特不

受而已又恥其見汚而投淵水自讓瞽光

光數其非仁非義非廉之悖道卒不受其讓

不踐其土而負石自沉此二子者皆高節厲

行剛介不回自古有死又奚恤焉故南華舉

此以激勵頽俗云竊詳本章大意舜禪之事

雖不見他書以得之於讓而施之讓盡善盡

美人無間言若湯之讓恐非其本心無以逃

天下之議卞隨瞽光稠水蘆水之事蓋言其

避之極存而勿論可也夷齊棄君往觀於岐

陽蓋慕周之德化願爲聖人氓共樂無爲之  
化而已武王使叔旦與盟而誘以爵祿豈二  
士之志哉故舉神農之世以證今日之非時  
祀不祈福杜廩郊禘盡敬以報神非有所覲  
聖也則治國以無爲爲可知與政爲政無私  
於已與治爲治不擾亂之不壞人以自成不  
卑人以自高不以遭時自利則視人猶已物  
得其平今周見殷之亂而急於修政幸彼之  
危而圖之行貨保威悅衆要利無異推亂以  
易暴也時闇德衰與之並世恐汚吾身不若  
避之北至首陽而甘餓死焉夫餓死及身患  
也節行之衝心患也心患推之至於冒刑犯  
義流毒無窮身患終於一已而有足以障類  
波與教化者故民到于今稱之而孔子許之  
以仁二子亦求仁得仁而無怨也今天下闇  
周德衰陳碧虛照江南古藏本所謂殷德衰  
故周滅  
之也

荀氏總論本篇載讓王高節自死舜許出  
善卷至於王子搜皆重道尊生不以富貴  
累其心視天下如弊屣者也子華顏闔曾  
顏公子牟之徒葆真守約不以利祿易其  
操視富貴如浮雲者也其間魏牟較諸聖  
賢若不足然以國之公子能舍王位之尊  
就巖穴之隱亦良難矣故其長風餘波之  
所彼實啓有國有位者重道尊生之心清  
淨無爲之教所以立玄聖素王之業所以  
著也世之忘已殉物者才臨利害一毫必  
爭在王位而能讓可謂天下之盛舉矣夫  
懷道抱德而爲人之所寄托者或不願有  
國去而入山海有之何無擇隨光之徒遠  
至自沉而喪不貲之軀邪蓋士不得中道  
而猶介特立者不能無弊是以貪甚者求  
之無厭必至於篡逆讓者避之無所至自  
沉而後已此非特明其不受又見其不受  
之極以暴白於後世亦慕名之過唯聖人

中庸無弊。謀受合宜。隱顯隨時。從容中道。堯舜之事是也。伯夷叔齊讓國而逃於首陽。食薇蕨而終。則非故為矯亢。要名後世者。此實以世闇德衰。不容並立。志在出塵。高舉抱道。獨全。雖死奚恤。若夫為君而讓。則其迹顯。未為君而避。則其迹隱。退讓之志。本同。惟其時而已矣。

### 盜跖第二十九

孔子與柳下季為友。柳下季之弟名曰盜跖。盜跖從卒九千人。橫行天下。侵暴諸侯。穴室樞戶。驅人牛馬。取人婦女。貪得忘親。不顧父母兄弟。不祭先祖。所過之邑。大國守城。小國

入保萬民苦之。孔子謂柳下季曰：夫爲人父  
者，必能詔其子。爲人兄者，必能教其弟。若父  
不能詔其子，兄不能教其弟，則無貴父子兄  
弟之親矣。今先生，世之才士也。弟爲盜跖，爲  
天下害而弗能教也。丘竊爲先生羞之。丘請  
爲先生往說之。柳下季曰：先生言爲人父者  
必能詔其子，爲人兄者必能教其弟。若子不  
聽父之詔，弟不受兄之教，雖今先生之辯，將  
柰之何哉？且跖之爲人也，心如涌泉，意如飄



風強足以拒敵。辯足以飾非。順其心則喜。逆其心則怒。易辱人以言。先生必無往。孔子不聽。顏回爲馭。子貢爲右。往見盜跖。盜跖乃方休卒。徒犬山之陽。膾人肝而舖之。孔子下車而前。見謁者曰。魯人孔丘。聞將軍高義。敬再拜謁者。謁者入通。盜跖聞之大怒。目如明星。髮上指冠。曰。此夫魯國之巧僞人孔丘非邪。爲我告之。爾作言造語。妄稱文武。冠枝木之冠。帶死牛之脅。多辭謬說。不耕而食。不織而

衣搖唇鼓舌。擅生是非。以迷天下之主。使天下學士不反其本。妄作孝弟。而徼倖於封侯富貴者也。子之罪大極重。疾走歸。不然我將以子肝。益晝餽之膳。孔子復通曰。丘得幸於季。願望履幕下。謁者復通盜跖曰。使來前。孔子趨而進。避席反走。再拜盜跖大怒。兩展其足。案劔瞋目。聲如乳虎。曰。丘來前。若所言順吾意則生。逆吾心則死。孔子曰。丘聞之。非擬孔子也

凡天下有三德。生而長大美好無雙。少長貴

賤見而皆說之。此上德也。知維天地能辯諸物。此中德也。勇悍果敢。聚眾率兵。此下德也。凡人有此一德者。足以南面稱孤矣。今將軍兼此三者。身長八尺二寸。面目有光。脣如激丹。齒如齊貝。音中黃鍾。而名曰盜跖。丘竊為將軍恥。不取焉。將軍有意聽臣。臣請南使吳越。北使齊魯。東使宋衛。西使晉楚。使為將軍增列地字造大城數百里。立數十萬戶之邑。尊將軍為諸侯。與天下更始。罷兵休卒。收養昆弟。共祭

先祖。此聖人才士之行。而天下之願也。盜賊  
大怒曰。丘來前。夫可規以利。而可諫以言者。  
皆愚陋恒民之謂耳。今長大美好。人見而說  
之者。此吾父母之遺德也。丘雖不吾譽。吾獨  
不自知邪。且吾聞之。奸而譽人者。亦奸背而  
毀之。今丘告我以大城衆民。是欲規我以利。  
而恒民畜我也。安可長久也。城之大者。莫大  
乎天下也。堯舜有天下。子孫無置錐之地。湯  
武立爲天子。而後世絕滅。非以其利太故邪。

沮吾聞之。古者禽獸多而人民少。於是民皆  
巢窟以避之。晝拾橡栗。暮栖木上。故命之曰  
有巢氏之民。古者民不知衣服。夏多積薪。冬  
則煬之。故命之曰知生之民。神農之世。卧則  
居居。起則于于。民知其母。不知其父。與麋鹿  
共處。耕而食。織而衣。無有相害之心。此至德  
之隆也。然而黃帝不能致德。與蚩尤戰於涿  
鹿之野。流血百里。堯舜作立羣臣。湯放其主。  
武王殺紂。自是之後。以強凌弱。以衆暴寡。湯

武以來皆亂人之徒也。今子修文武之道。掌天下之辯以教後世。縫衣淺帶。矯言僞行。以迷惑天下之主。而欲求富貴焉。盜莫大於子。天下何故不謂子爲盜丘。而乃謂我爲盜跖。子以甘辭說子路。而使之從。使子路去其危冠。解其長劔。而受教於子。天下皆曰孔丘能止暴禁非。其卒之也。子路欲殺衛君。而事不成。蒞於衛東門之上。是子教之不至也。子自謂才士聖人邪。則再逐於魯。削迹於衛。窮於

齊。圍於陳蔡。不容身於天下。子教子路。蒞此患。上無以爲身。下無以爲人。子之道。豈足貴邪。世之所高。莫若黃帝。黃帝尙不能全德。而戰涿鹿之野。流血百里。堯不慈。舜不孝。禹偏枯。湯放其主。武王伐紂。文王拘羑里。此六子者。世之所高也。孰論之。皆以利惑其真。而強反其情性。其行乃甚可羞也。世之所謂賢士。伯夷叔齊。辭孤竹之君。而餓死於首陽之山。骨肉不葬。鮑焦飾行非世。抱木而死。申徒狄

言而不取。負石自投於河。爲魚鼈所食。介子  
推至忠也。自割其股以食文公。文公後背之。  
子推怒而去。抱木而燔死。尾生與女子期於  
梁下。女子不來。水至不去。抱梁柱而死。此四  
者。無異於磔。竹客反犬流豕。操馱而乞者。皆離  
名輕死。不念本養壽命者也。世之所謂忠臣  
者。莫若王子比干。伍子胥。子胥沈江。比干剖  
心。此二子者。世謂忠臣也。然卒爲天下笑。自  
上觀之。至于子胥比干。皆不足貴也。丘之所



以說我者。若告我以鬼事。則我不能知也。若告我以人事者。不過此矣。皆吾所聞知也。今吾告子以人之情。目欲視色。耳欲聽聲。口欲祭味。志氣欲盈。人上壽百歲。中壽八十。下壽六十。除病瘦死喪憂患。其中開口而笑者。一月之中。不過四五日而已矣。天與地無窮。人死者有時。操有時之具。而託於無窮之間。忽然無異騏驥之馳過隙也。不能說其志意。養其壽命者。皆非通道者也。丘之所言。皆吾之

所棄也。亟去。走歸。無復言之。子之道。狂狂汲汲。詐巧虛僞事也。非可以全真也。奚足論哉。孔子再拜。趨走出門。上車執轡。三失目。茫然無見色。若死灰。據軾低頭。不能出氣。歸到魯東門外。適遇柳下季。柳下季曰。今者闕然數日不見。車馬有行色。得微往見跖邪。孔子仰天而歎曰。然。柳下季曰。跖得無逆汝意若前乎。孔子曰。然。丘所謂無病而自灸也。疾走料虎頭。扁虎須。幾不免虎口哉。

狀背棄天命聖言而縱欲敗度者所謂小人之中庸也謂武為後世滅絕決非先秦之文矣執轡三失日茫然無見色若死灰據軾伏頭不能出氣絕不類莊周口氣亦不知孔子之為孔子也

**義**

父不能詔子兄不能教弟此人倫之不幸也橫行天下侵暴無厭此生民之不幸也

夫子以道德仁義化天下莫不雲合景從唯獨不得行於跡又遭其困辱焉此聖人之不幸也然而夫子猶日月適與惡曜交經暫為沴氣侵薄會何傷乎經意蓋謂非借夫善惡之極以為對形迹之著以為言則無以盡其辭而明其意此聖狂之所以辨也夫子首陳三德以其象下者箴之與說越文王三劔義同詳跡之於言雖出於強辯其間亦自有理不可盡以人廢言然皆觀其迹而未得其心所以有是不齊之論此章辭雖氣逸如洪源

按注不可壅遏使人難以著語故郭氏於三章之下畧述大意而義自明觀者毋以辭害意一樞戶義當是樞苦鈎切仗木之觀取嫩木皮以爲冠縫夜縫腋之衣大袂禪衣也張其尸曰磔流烹也

離名當是利名

修德

子張問於滿苟得曰。盍不爲行。無行則不信。不信則不任。不任則不利。故觀之名。計之利。而義真是也。若棄名利。反之於心。則夫士之爲行。不可一日不爲乎。滿苟得曰。無恥者富。多信者顯。夫名利之大者。幾在無恥而信。故觀之名。計之利。而信真是也。若棄名利。反之

於心。則夫士之爲行。抱其天乎。子張曰。昔者  
桀紂。貴爲天子。富有天下。今謂滅聚獲。曰。汝  
行如桀紂。則有忤色。有不服之心者。小人所  
賤也。仲尼墨翟。窮爲匹夫。今謂宰相曰。子行  
如仲尼墨翟。則變容易色。稱不足者。士誠貴  
也。故勢爲天子。未必貴也。窮爲匹夫。未必賤  
也。貴賤之分。在行之美惡。滿苟得曰。小盜者  
拘。大盜者爲諸侯。諸侯之門。義士存焉。昔者  
桓公小白。殺兄入嫂。而管仲爲臣。田成子常

殺君竊國而孔子受幣。論則賤之行則下之。則是言行之情。悖戰胷中也。不亦拂乎。故書曰。孰惡孰美。成者爲首。不成者爲尾。子張曰。子不爲行。即將䟽戚無倫。貴賤無義。長幼無序。五紀六位將何以爲別乎。滿苟得曰。堯殺長子。舜流母弟。䟽戚有倫乎。湯放桀。武王殺紂。貴賤有義乎。王季爲適。周公殺兄。長幼有序乎。儒者僞辭。墨者兼愛。五紀六位將有別乎。且子正爲名。我正爲利。名利之實。不順於

理不監於道。吾日與子訟於無約。曰。小人殉

財。君子殉名。其所以變其情。易其性。則異矣。

乃至於棄其所為。而殉其所不為。則一也。故

曰。無為小人。反殉而天。無為君子。從天之理。

若枉若直。相為天極。面觀四方。與時消息。若

是若非。執而圓機。獨成而意。與道徘徊。無轉

而行。無成而義。將失而所為。無赴而富。無徇

而成。將棄而天。比于剖心。子胥抉眼。忠之禍

也。直躬證父。尾生溺死。信之患也。鮑子立乾。

勝子不自理。廉之害也。孔子不見母。匡子不見父。義之失也。此上世之所傳。下世之所語。以爲士者。正其言。必其行。故服其殃。離其患也。

**通義** 此亦上章之意。而以無約折衷之也。按名滿苟得。言滿其苟得之心。他不恤也。無約者。以至無至約爲指的也。小人殉財以下。擬爲無約之言。匡子不見父。謂上世之所傳。決非孟子同時矣。其曰殉天。從天相爲天極。將樂而天不與。與時消息。執圓機徘徊於道。而枉直是非。任其自適而已。

**義** 行者義之著。見信任與利。又行之驗也。義由中。出行見乎外。則信任與利皆從外來。



故考名利而義真是也若不以名利為言而  
 反求諸心士之行義不可一日不為也蓋謂  
 行義士所當為名利之儻來不必計此于張  
 立論也多言以求信於人富顯之所自出無  
 恥者以此為是若不以名利為意而反求諸  
 心則為行者獨抱其天而不通乎人也此苟  
 得立論于張孔子之徒苟得乃跖之徒宜其  
 相反也至論藏獲恥稱桀紂卿相不敢當孔  
 墨則行可貴也小盜拘而大盜為諸侯則利  
 可樂也此又引古聖賢以證其各有所偏不  
 能無弊二千之論不決故苟得爭與訟於無  
 約小人殉財至章末皆無約之詞謂二千皆  
 殉一偏未為合道莫若心忘善惡一無所殉  
 聽其自然無君于小人之分各得其性情之  
 正亦何有枉直中外是非之辯哉此獨成其  
 真而不資於物所以與道徘徊而不失也若  
 轉移自然之行求成為義之名及彊於富利  
 以聖有成皆棄滅其天理而陷溺於物欲者

也。比干剖心以下條指其佞。殉之失不免於  
患。而爲士者猶取正其言。求必其行。嗟然懼  
患而不悟。

也。悲夫。

對風

無足問於知和曰。人卒未有不與名就利者。  
彼富則人歸之。歸則下之。下則貴之。夫見下  
貴者。所以長生。安體樂意之道也。今子獨無  
意焉。知不足邪。意知而力不能行邪。故爲推  
正不忘邪。知和曰。今夫此人以爲與已同時  
而生。同鄉而處者。以爲夫絕俗過世之士焉。  
是專無主正。所以覽古今之時。是非之分也。

與俗化世。去至重。棄至尊。以爲其所爲也。此其所以論長生安體樂意之道。不亦遠乎。慘怛之疾。恬愉之安。不監於體。怵惕之恐。欣懼之喜。不監於心。知爲爲。而不知所以爲。是以貴爲天子。富有天下。而不免於患也。無足曰。夫富之於人。無所不利。窮美究勢。至人之所以不得逮。聖人之所不能及。挾人之勇力。而以爲威強。乘人之知謀。以爲明察。因人之德。以爲賢良。非享國而嚴若君父。且夫聲色滋味。

權勢之於人心。不待學而樂之。體不待象而安之。夫欲惡避就。固不待師。此人之性也。天下雖非我。孰能辭之。知和曰。知者之爲。故動以百姓不違其度。是以足而不爭。無以爲故。不求。不足故求之。爭四處而不自以爲貪。有餘故辭之。棄天下而不自以爲廉。廉貪之實。非以迫外也。反監之度。勢爲天子而不以貴驕人。富有天下而不以財戲人。計其患。慮其反。以爲害於性。故辭而不受也。非以要名譽。

也。堯舜爲帝而雍，非仁天下也。不以美害生也。善卷許由，得帝而不受，非虛辭讓也。不以事害已。此皆就其利，辭其害，而天下稱賢焉。此上下有脫誤則可以有之。彼非以興名譽也。無足曰必持其名。苦體絕甘，約養以持生，則亦久病長阨而不死者也。知和曰：平爲福，有餘爲害者。物莫不然而財其甚者也。今富人耳管鍾鼓，筦籥之聲，口噍於芻豢醪醴之味，以感其意，遺忘其業，可謂亂矣。伎溺於馮氣，若負重行而

上也。可謂苦矣。貪財而取。慰貪權耳。身窮  
居則溺。體澤則馮。可謂疾矣。爲欲富就利。故  
滿若堵耳。而不知避。且馮而不捨。可謂辱矣。  
財積而無用。服膺而不舍。滿心成醮。求益而  
不止。可謂憂矣。內則疑劫。請之賊。外則畏寇  
盜之害。內周樓䟽。外不敢獨行。可謂畏矣。此  
六者。天下之至害也。皆遺忘而不知察。及其  
患至。求盡性竭財。單以反一日之無故。而不  
可得也。故觀之名則不見。求之利則不得。繚

意絕體而爭。此不亦惑乎。

**此破盜跖滿苟得之意。**擗名無足知和而復結以觀之名求之利之爲惑也。言世無足爲之事惟知和之以天倪是也。

爲言人而得富以處世養身無所不利也。知和就於名故動不遠度足而不求計慮慮反非以要譽也。譽自歸之耳無足又議持名苦體無異病阨而偷生知和告以平爲福有餘爲害通天下之至論無足亦爲之心服矣。此後至篇終備言富者之所爲其心術機謀不逃乎達人之鑑。然皆無益於身終不免爲大盜積守而已。及其患至知非也已。晚石崇臨東市歎曰。奴輩利吾財是也。南華述此聞之者足以戒云。佞音該奇佞非常馮音憑慎音。

不通也。照同焦樓踈窗廣絲繞統其

意謂深思決絕其體謂忘生也。

褚氏總論按盜跖所言強辯飾非抑揚已至矣。卒使聖賢通論亦爲之屈。此天下暴惡之尤者也。或者議其訾聖不與出於後人附會理蓋不然。夫孔子之仁盜跖之暴固不待辯而明。設爲是論者蓋欲彰夫子聖道之至容德之大也。然則夫子之所以聖又豈跖所能知以行察行以心灼心宜其立論若是。此姑道跖之知夫子者耳。夫子之聖使跖盡得而知則跖非跖矣。故夫子雖受抑而名愈尊。跖雖自揚而惡愈著。則天下之公是非未嘗泯也。據辭演義諸解班班無以相出。竊詳言外微旨蓋有所寓而讀者罔究例以訾聖爲疵。使至理未伸於千載之下。輒爲之辯正云。經意本以議當時國君卿相恃富貴擅生殺而不可以理化使孔子復生亦不免其侮辱。故此



盜跖而以孔子自喻次設子張問滿苟得  
 滿而務苟得故所答亦無異乎跖此皆以  
 辯勝人不悟夫喪真背理而達乎道也繼  
 以無足問知和志在與名就利以安體樂  
 意爲先是亦苟得之徒故知和告以富者  
 貴其積而能散惠衆周物貧人倚之以爲  
 命而免轉徙填壑之憂昔陶朱公善理產  
 業致富則散之鄉鄰凡三散而三徙又避  
 其爲害之名也今富者溺於聲色嗜好而  
 求益不止多積若堵而憂畏滿悞利愈重  
 而害愈深鄆鳩金谷之覆轍可鑒反不若  
 耕鑿自給者可以養生盡年而無累也凡  
 此皆所以痛鍼世俗之膏肓密顯聖賢之  
 教思學者信能遺其迹而定其所以言融  
 名利之私心歸道德之大德爲清淨之  
 化足以仁壽八荒豈止康康一身而已於  
 此足以見南華術道弘化化人初  
 滿俗之心與孔孟無殊無殊